

# **Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu**

## **Sisimiuni innuttaasunik ataatsimiisitsineq**

10. maj 2015 nal. 19.00-22.00

68-it missaat takkupput

---

### **Inersuarmit apeqqutit**

#### **Marius Olsen:**

Sulisartunut isumaqatigiissutit atuuttut naapertuutsinnissaannik pilersaaruteqartoq oqaatigineqarpoq, isumaqatigiissutit sorliit atorineqarumaarpat? Neriuppunga akissarsianut tunngatillugu pituttugaanerussasut, sulisartut kattuffiit isumaqatigiissutit – SIK-mut imaluunniit allanut – tunngasut eqqarsaatigigaanni. Tassalu isumaqatigiissut sorleq atussallugu isumaliutaasoq saqqummiunneqassasoq.

#### *Hudson Resourcesimit Rune Keiler:*

Maannakkorpiat qinnuteqaatip nalaani ippugut, taamaattumillu tassunga suli killissimannnginnerput nassuerutigissavarput. Tamaanga killikkutta Kalaallit Nunaanni ingerlatseqatigiiffiliussaagut. Sulisitsisuniit qularutissaanngitsumik ilaasortaqaartitsisoqassaaq. Aningaasarsianut tunngasunut tunngatillugu rubinisorfik unammillerfiulissaaq, taamaattumik qanoq akissarsiatigut neqeroorutigisassatsinnut niuffaffimmi nukiit aalajangiisuussapput.

#### *Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:*

Illua'tungeriit akornanni IBA-mik isumaqatigiissut pillugu saqqummiussinerup nalaani oqarpugut sunnguit tamaasa tikillugit pissutsit tamarmik isumaqatigiissutigineqassasut. Inatsisaasuneereerput, inatsisillu malillugit ingerlatsisoqassaaq, tamannalu IBA-mik isumaqatigiissummi erseqqissarneqassaaq. SIK-p isumaqatigiissutaa annikinnerpaamik killissaliivoq, tassungalu naleqqiullugu pitsaaneruseqatigiitsoqarsinnaavoq. Tassannga ajorneruseqatigiitsoqarsinnaavoq.

#### *Borgmesteri Hermann Berthelsen:*

Runep oqaatigisaatut aatsitassarsiorfiit allat ammarpata sulisartussarsiuuttoqassaaq. Unammillerneq annertunerulissaaq, tamannalu akissarsianut ilorrap tungaanut kinguneqassapput, malitsigisaatullu inuiaqatigiinnut.

#### **Marius Olsen:**

Oqaatigineqarpoq aatsitassarsiorfik ukiuni 20-ni ingerlassasoq. Pilersaarutaasumut naleqqiullugu aatsitassarsiorfiup siusinnerusukkat matunera misiginikuuarput. Pakatsivugut. Ukiuni tamani aatsitassarsiorfimmik ingerlatsisinnanansi qularnaveeqqusersinnaaviisuk?

## **Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu**

*Hudson Resourcesimit Rune Keiler:*

Aatsitassaq tunisassiariniagarput tassaavoq tunisassiorfissuarni aatsitassaq atorveqartartoq – glasfiberiliornermik suliffissuarni. Kiassaaterujussuarnut aningaasaliisimapput. Ikipkata ukiuni 20-ni ikumassapput. Aarleqquteqarusuttumik niuerfigisassamik nassaarpugut. Taamatut ukiuni 20-ni attasserusupput. Aammattaaq niuerfigisassamik, ukiuni qulini pisiaqarnissamik qularnaveeqquseerusuttumik, isumaqatigiissut piffissap sivikitsup iluani atsiussavarput. Niuerfigisaaq angisooq uagutsinnut pippat sunniivigeqatigiinnertaqassaaq, taamaalillutik suliffissuit amerlanerit uagutsinnut nuussallutik. Ilaatigut uagutsinnit pisiaqarnikkut co2-mik sipaaruteqartoqassaaq. Maannakkut atugarisaat annertuumik imertaqarpoq, taanna aalannqortitaasariaqartarluni. Uagut pigisarput panertuuvoq, tamannalu iluaqutaavoq.

Ukiuni marlunni siullerni tonsit 200.000-it pilersuutiginnissaat pilersaarutigaarput, ukiullu tallimat iluini 500.000 tonsit angusariveeqarnissaat naatsorsuutigaarput. Piffissami sivikitsumi annertusiartuinnartumik umiarsuartigut assartugaqarnissamut neriunartortaqarpoq. Allat unammillerfigaluta suujunnaarsitsinissaannut sumik isumannaallisaasoqarpa? Anorthositip Norgemi aamma Finlandimi pigineqarneranik ilisimasaqartoqarpoq. Norgemili aatsitassat naleqqutinngitsut akuupput, tamannalu iluartaunngilaq. Finlandimi iluarinartaunngilaq, taamaattumillu assingatut atugassaqarluni. Unammillersinnaasutuaq tassaavoq qaammat. Qaammatimuna ilamernga Kalaallit Nunaanniittoq.

### **Naja Thorin:**

Saqqummersitsinerni ilissinnut saqqummiussinissamik kalaallit piginnaangorsartinnissaannut qanoq ammatigaasi? Kalaallit siulersuisuni ilaalersinnissaannut. Kalaallinut akissarsiat pitsaasuussappat?

*Hudson Resourcesimit Rune Keiler:*

Ukiutum ilinniartunik lærlinginillu sisamanik peqartarnissaaq pilersaarutigaarput, tamannali suli aalajangerneqavinngilaq. Aatsitassalerinermik Ilinniarfillu suleqatigiippugut, taamaalillutik ilinniartut aatsitassarsiorfimmi sulinerimik misiliisinnaassallutik. Atuagarsorneq aammalu aatsitassarsiorfimmi sapaatit akunnerini pingasuni sulinerit assigiinngissuteqarput. Kommunilu, Sullivinnik Nittartagarlu Piareersarfiillu suleqatigiittoqassaaq, taamaalillutik atorfinitsitaannginnerminni maskiinamik ingerlatsisutut, igasutut il.il. sulinerimik misiliiarthoqqaarsinnaassammata.

Suliamut naligiimmut akissarsiat naligiissapput.

Siulersuinerimut tunngatillugu oqaatsit tassaassapput kalaallisut aamma danskisut.

Suleqatigiinnut naalagaasat marlunnik oqaaseqartuussapput, taakkuli ataanni kalaallisuinnaq oqaluttusoqarsinnaavoq.

*Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:*

## **Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu**

Saqqummiussinerup nalaani maluginiarsimassagussiuk atorfeqartitat 80 %-ii kalaaliussapput. 80 %-it taakku ilinniagaqarsimasut aamma ilinniagaqarsimasuunngitsut ilaatissagaat isumaqatiginninniarnerni qulakkeerniarsarissavarput. Ukiut tallimat-arfineq-marluk kingornatigut aatsaat 80 %-innigussanngilaq. Piumasaqaatip taassuma piviusunngortinniarnernut annertuunik piumasaqaateqassaaq. Siulersuisartut kalaallit qaffassarnissaannut tunngatillugu ingerlatseqatigiiffinni traineeqartarnerit nutaajunngillat. Taamaattumik ingerlatseqatigiiffimmi qaffassarnissamut tunngatillugu kalaallinut periarfissaqarumaarpoq.

*Borgmesteri Hermann Berthelsen:*

Anguniakkani suliassaqaarfiit pingaarutillit ilaat tassaavoq aatsitassarsiorfimmut tamaangaanniillu inunnik angallassisarnissaq. Suliassap kommunimi suliffeqarfimmut tunniunneqarnissaa anguniagaraarput.

*Hudson Resourcesimit Rune Keiler:*

Aatsitassarsiorfimmi atorfinitsitaanissamut piumasaqaatini pingaarnerpaani ilaavoq amerlasuunik suleqateqarsinnaaneq, aammalu sapaatit akunnerini pingasuni asimi tinnaalerani sulisinnaaneq.

**Erik Jensen:**

Hudson Resources suua? Kikkut suleqatigaat? Inooqatigiinni immikkoortiterisoqassannginneraana qularnaarniarlugu. Aatsitassaq taanna sumut atorneqarpa?

*Hudson Resourcesimit Rune Keiler:*

Hudson Resources tassaavoq Canadami suliffeqarfik, Torontomi børsimi niuerfiusoq. Suliffeqarfik mikisuvoq. Naatsorsuutit tamarmik tamanut ammasuutinneqarput. Suliffinnik tutsuigisassaannigitsunik isertortumik suleqateqanngilaq. Taamaallaat uaguuvugut, tamakkiisumillu pigaarput. Kalaallit Nunaanni immikkoortortaliorniarpugut. Anorthosit angallatinut glasfiberiliornermut atugaavoq. Taamaattumik ukialunnguit qaangiuppata nunatsinni ujaqqamik sanaanik angallatini angalaarsinnaalissaasi.

**Erik Jensen:**

NunaMineralsip tusarniaanermut akissutaani aamma asfaltimut atugaasinneraanera oqaatigineqarpoq.

Inuiaqatigiinni arlaanni aningaasaliinissamut periarfissaqassava?

Aatsitassarsiorfiup aallartinnissaata ulorianassuseqarneranik qineqqusaarnermi annilaarsaaraluni suliniuteqartoqarsimavoq. Qeqqatali Kommunianni iluarinartumik takkuttoqalernera ajunngilaq. Annilaarsarineq tamanna maannakkut piviusuunnginnera malunnarpoq.

## **Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu**

*Borgmesteri Hermann Berthelsen:*

Siusinnerusukkut IBA-mik isumaqatigiissummi oqaatigineqarpoq Qeqertarsuatsiaanisuulli aningaasaateqarfiliornissaq pillugu isumaqatigiisutit atsiorneqassasut. Aqagu allaffigissavatsigit, taamaalilluta IBA-mik isumaqatigiissummut piumasagaatit peqatigiilluta inississorniassagatsigit. Taamaattumik inuiaqatigiinni sunik iluaqtissat IBA-mik isumaqatigiissummut kissaatigisassatsinnik isumaliuteqassaagut, tassaassanersut ilinniartitaanermut, kultureqarnermut, timersornermut allamulluunniit tunngasut.

*Hudson Resourcesimit Rune Keiler:*

Nalunaarusiatsinni aningaasaateqarfimmik marlunnik pilersitsinissaq pillugu siunnersuuteqarpoq. Aappaata ilinniartitaaneq tapersersussavaa, aappaa timersornermut inooqatigiinnermilu siunertanut atorneqassalluni. Kingulleq uagut nammineq aqutariniangilarput. Tassunga akiliuteqartassaagut, taannalu ilimanarpoq kommunip aqutarissagaa. Suliniut allippat akiliutit aamma amerlissapput. Nammineq suut tapiiffigisariaqarsorisagut tikkuartorusunngilagut, uagummi tamakku ilisimasaqarfiginngilagut.

**Samson Larsen:**

Hudson Resources diamantisionermik suliaqarsimavoq, Canadamullu ujaqqat tonserpassuit aallarussorsimagaat tusatsiagaavoq. Ujaqqat diamanterpassuarnik imallit. Diamantit tamakku tusarfigeqqinngilagut, Kalaallit Nunaannut uterteqqinneqarsimanerinek, imaluunniit qanoq pisimanerinek. Ujaqqat annissassasi kikkut nakkutigissavaat? Kalaallit aatsitassarsiorfimmik piginneqataalersinnaappat?

*Hudson Resourcesimit Rune Keiler:*

Diamantinut tunngatillugu ujaqqat tonserpassuit laboratorianut misissugassanngorlugit nassiussimavagut. Laboratoriat taakku naalagaaffimmit nakkutigisarineqarput, maannakkullu diamantit taakku aningaaseriviup toqqorsivianiippat. Tamanna Jørn Skov Nielsenip akissuteqarfigisinnaavaa.

Aap, ingerlatseqatigiiffik børsimi niuerniutaavoq, taamaattumilli piomagussi pisiaqarsinnaavusi. Inunnik tamatumunnga siunnersuiniangilagut. Namminneq pissanertik namminneq aalajangertussaavaat.

*Inuussutissarsiornermut, Suliffeqarnermut, Niurnermut Nunanullu Allanut Tunngasunut Naalakkersuisoq Vittus Qujaukitsoq:*

Akuersissummik tunniussivigisaqaraangatta annitaat oqimaalutarneqartassapput, annertussutsit eqqortut nassiunneri qulakkeerlugillu royalty akilerneqarniassammat. Akileraartarnermut Aqutsisoqarfik nakkutilliisuussaaq, aqutsisoqarfillu uuliamik qilleraluni misileraanermik nakkutilliisuummat misilittagaqarluarpoq.

Aatsitassarsiorfik nakkutigineqassaagut, aamma aatsitassap assartornerpiaa. Taamaattumik aarleqquteqarnissatsinnut tunngavissaqanngilagut.

## **Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqquutit akissutillu**

*Jørn Skov Nielsen, Inuussutissarsiornermut, Suliffeqarnermut Niuernermullu Naalackersuisoqarfik:*

Ingerlatseqatigiiffik diamantisornermut akuersissuteqarpoq, tassani ujaqqat piiarlugillu nassiussornerinik pisinnaatitaallutik. Diamantit tuneqqusaanngillat, aatsaat atuinissamik akuersissutisinermi taamaaliortoqarsinnaavoq. Diamantit silisaanngitsut nassaarisaat Namminersorlutik Oqartussat pigisaraat. Nunat akornanni diamantinik nassiussueqqusaassagaanni nunat tamalaani isumaqatigiisummut, Kimberlymik isumaqatigiisummut ilaasariaqarpoq, Kalaallit Nunaallu sulit tassani ilaasortaannigilaq. Diamantit pivagut. Københavnimili aningaaseriviup toqqorsivianiipput. Kimberlymik isumaqatigiisummut ilaasortannornerput sioqqullugu sulit eqqussinnaanngilagut.

### **Kristian Kreutzmann:**

Sumiiffimmi tuttorpassuaqanngilaq, tamarmili uumasoaqanngivissuunngilaq. Qaqortorsuup alannua aqquasaaraanni uumasoaqarpoq.

Aatsitassarsiorfissaq suliniutivitsialassaarpasippoq. Taseq aatsitassarsiorfimmi eqqaaviusussa, ukiut arfineq-pingasut qaangiuppata mingutsitsinermit tunngatillugu sunik naatsorsuuteqartoqarpa? Ukiunut 20-nut taseq naammappa?

*Hudson Resourcesimit Rune Keiler:*

Tasermi ukiuni 20-ni tunisassiornermit inissaqalluassasoq naatsorsuutit takutippaat.

Sinnikorisanik tunisassialiorsinnaanerput neriuutigaarput, sequtserinermummi aningaasat atortariaqassavagut, taamaattumik igiinnarnissaat aningaasanik eqqaanerinnaavoq.

Ukiut 20-t qaangiuppata tatsip 85 %-ia immersimassaaq. Annertussutisip annikillisinniarnernut teknologiimik ujartuilluta suliaqarpugut. Sumiiffimmi tatsip naqqa anorthositiuvoq, aamma tatsip sinai. Anorthositimik imiivugut, taamaattumik assinga immiissutaavoq. Soorunami kakilisaat sunniivigineqassapput, immaqali kingusinnerusukkut taakku tatsinut allanut nuukkumaarput.

### **Markus E. Olsen:**

Annisaaq qanoq annertutigisumik nakkutiginiarneqarpa, sullivinnillu nakkutilliinermit qanoq pisoqassava? Rubinisornermik suliniut pillugu 16. augustip saqqummiussai oqaluttuarisat pingaartuupput. Ilissi nunatta isumalluutaasa akeqaanngitsumik annissugaannginnisaannut qanoq isumaliuteqarpisi?

*Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:*

Nunatta karsianut isertitat qulakkeerniarlugit aatsitassanik annissuinerup nakkutiginiissaa pingaartupilussuuvoq. Royaltymut akiliuteqartarnernut ilutsit assigiinngillat. Pineqartumi aatsitassat annissornerinut akitsuuteqarpoq. Annikitsunik suliniuteqartunit akerliusoqarpoq. Qeqertarsuatsiaani rubiinit assut naleqarput. Akerliusut sianigaagut.

## **Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu**

Tassunga atatillugu Akileraartarnermut Aqutsisoqarfik aamma Aatsitassaqaarnermut Aqutsisoqarfik suleqatigiillutik aatsitassarsiorfik misissuivigalugulu nakkutigissavaat. Qeqertarsuatsiaamut tunngatillugu aaqqiagiinngitsoqarpoq, pissutigalugu assigiinngitsut pingasut atuinissamut akuersissummik pissarsisimmammata, Aatsitassanulli Inatsit aallaavigalugu suliaqartoqarpoq. Aarleqqutigisalli tusaatissatut tiguara.

*Hudson Resourcesimit Rune Keiler:*

Suut nassiussugarisatta nakkutiginerinut aamma akilersugarisatsinnut tunngatillugu. Annissukkatta nakkutiginnissaat pisariunngitsuuvoq. Sioqqat usilersugarinerini oqimaalutaavik atornerqarpoq. Umiarsualivik oqimaalutaavittut iluseqarpoq, atortussiallu tiguqeqarnerani umiarsualivimmi tigooraaviusumi oqimaalutarneqassapput. Sioqqat pingasoriarluni oqimaalutarneqarneranik tamanna isumaqarpoq. Anorthosit annertoorsuarmik naleqartuunngilaq, nakkutigineqarpugullu.

### **Angunnguaq Lund Olsen:**

Nalunaq Gold Mine ingerlanneqarmat qinnuteqartoqaraluartoq taamaallaat kujataamiut atorfinitsitaapput. Maani inuttassarsiornermut tunngatillugu qanoq isumaliuteqartoqarpa?

*Hudson Resourcesimit Rune Keiler:*

Aallaavigalugu najugaqarfiusumit sulisartut atorniarpagut, angallassinermut aningaasartuutit tamatuma annikillisissagamigit. Piginnaasalinnik naammattunik sulisussarsisinnaanngikkutta kommunip killeqarfiisa avataanni nassaariniartariaqassavagut.

*Inuussutissarsiornermut, Suliffeqarnermut, Niuernermit Nunanullu Allanut Tunngasunut Naalackersuisoq Vittus Qujaukitsoq:*

Suliffeqarfik pillugu inatsisisaat Inatsisartuni suliarineqarput. Sullivinnik Nittartagaq sakkutut atorneqassaaq. Siunertaq tassaavoq piginnaasalinnik sulisartunik piaarnerusunik nassaartoqarsinnaanissaq.

Nalunami sulisut angallannerinut assorsuaq aningaasartuuteqarnermi annertuumik ajornartorsiuteqartoqarpoq. Sulisitsisup nalunaarutigereerpaa najugaqarfiusumit sulisorialigassanik naatsorsuuteqarluni.

### **Lars K.S. Olsen:**

Kalaallit sulisartut qulit qaqugu sulisinnaalissappat?

*Hudson Resourcesimit Rune Keiler:*

Atuinissamut akuersissummik tunniussinissaq aalajangiunneqarpat piaarnerpaamik aallartinniassaagut. Aasap kingorna immaqa akuersissutisissaagut, taavali piffissaq suliaqarfiusussaq qaangiutereersimassaaq. Taamaattumik 2016-imi upernaakkut aallartissinnaanerput naatsorsuutigaarput.

**Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommuniiani innuttaasut ataatsimiisinnerinit apeqqutit akissutillu**

**Naja Thorin:**

Hudson Resources atuinissamik akuersissummik pisimava?

*Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:*

Ingerlatseqatigiiffik suli akuersissummik pinngilaq. Tusarniaasitsineq naammassippat tamanna tunniunneqarsinnaavoq. Piffissaliussaasup iluani Naalackersuisut aalajangiussissapput, taamaattumik aatsaat aasareernerani tamanna pisinnaavoq. Ukiunili qulini utaqqisitsinissaq naatsorsuutiginnilarput.